



Pranuar / Dostigjen Prisqitur / Pristato Received / Dostigny	01. 12. 2021	vit / god year
Organ / Shkronja Organ / Shkronja Organ / Shkronja	5763/2021	Sasia Kolicina Quantity
SLPMSH/CK		1/6



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A nr.854/2021

Këshilli i Pavarur Mbikëqyrës për Shërbimin Civil të Kosovës- Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi kryetare, Jeton Koca dhe Arben Mehmeti anëtarë, me Rushit Kajtazi Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.854/2021 të datës 07.10.2021 të parashtruar nga ankuesi me adresë banimi Kompleksi Dafina, 3/3-6, Nr.21, Lagjja Mati I, Prishtinë, kundër organit të punësimit/Këshilli Prokurorial i Kosovës, në çështjen juridike "ndërprerje e marrëdhënies së punës", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.2 dhe 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 01.12.2021 mori këtë:

V E N D I M

I. Aprovohet si e bazuar ankesa me numër A.nr.854/2021 e datës 07.10.2021 e parashtruar nga ankuesi

II. Shfuqizohet Vendimi me numër protokolli 1301/2021 i datës 14.09.2021 i Këshillit Prokurorial të Kosovës për ndërprerjen e marrëdhënies së punës së ankuesit në pozitën e Drejtorit të Përgjithshëm të Sekretariatit të Këshillit Prokurorial të Kosovës dhe çështja kthehet në rishqyrtim dhe rivendosje të organi i njëjtë.

III. Obligohet Kryesuesi i Këshillit Prokuroria të Kosovës që të ndërmerr të gjitha veprimet e nevojshme administrative për zbatimin e këtij vendimi brenda afatit prej pesëmbëdhjetë (15) ditësh nga dita e pranimit të tij, si dhe të njoftoj me shkrim Këshillin e Pavarur Mbikëqyrës për Shërbimin Civil të Kosovës pas ndërmarrjes së veprimeve në pajtim me këtë vendim.

A r s y e t i m

Ankuesi me datë 07.10.2021 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër Vendimit me numër protokolli 1301/2021 të

datës 14.09.2021 për ndërprerjen e marrëdhënies së punës, për shkak të aplikimit të gabuar të ligjit material, shkeljes së dispozitave lidhur me procedurën administrative dhe vërtetimit të gabuar të gjendjes faktike.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 13.10.2021 ka proceduar kërkesën për përgjigje në ankesë të Këshilli Prokurorial të Kosovës (me tutje KPK). Këshilli, me datë 20.10.2021 ka pranuar përgjigjen në ankesë së bashku me shkresat e bashkangjitura të lëndës.

Bazuar në nenin 17 paragrafi 2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, përmes Vendimit me numër Nr.37/2021 të datës 04.11.2021 të Kryesuesit të KPMSHCK-së, ankesës me numër A.854/2021 të datës 07.10.2021 i është vazhduar afati për vendosje edhe për dhjetë (10) ditë pune.

Kolegji për Shqyrtimin dhe Vendosjen e Ankesave, pas konstatimit së ankesa është e pranueshme sipas nenit 129 të Ligjit Nr.05/L-031 për Procedurën e Përgjithshme Administrative, për vendosje meritorie, ka administruar këto prova: Ankesën e ankuesit të datës 30.09.2021 dhe A.nr.07.10.2021 të parashtruar në Këshillin e Pavarur Mbikëqyrës për Shërbimin Civil të Kosovës; E-mailin e datës 13.09.2021 së bashku me kërkesën e bashkangjitur dërguar nga ankuesi për Kryesuesin e Këshillit Prokurorial të Kosovës; E-mailin e datës 23.09.2021 me kërkesën e përsëritur dërguar nga ankuesi për Kryesuesin e Këshillit Prokurorial të Kosovës; E-mailin e datës 13.09.2021 dërguar nga ankuesi për Drejtorin e Thesarit të Kosovës; E-mailin e datës 14.09.2021 me përgjigjen e bashkangjitur dërguar nga Drejtori i Përgjithshëm i Thesarit të Kosovës për ankuesin; Njoftimin e Këshilli Prokurorial të Kosovës për ndërprerjen e marrëdhënies së punës së ankuesit të datës 24.08.2021; Aktvendimin e Gjykatës Themelore në Prishtinë-Departamenti i Krimeve të Rënda me shifër PP.I.nr13/K21 dhe numër të lëndës:2021:0015416 të datës 10.02.2021 për fillimin e hetimeve ndaj ankuesit; Kërkesën për përgjigje në ankesë të datës 06.10.2021; Përgjigjen në kërkesë e datës 12.10.2021 me provat e bashkangjitura të lëndës; Vendimin e Kryesuesit të Këshillit Prokurorial të Kosovës të datës 24.08.2021 i protokolluar me datë 14.09.2021 dhe numër KPK/Nr.661/2021; Vendimin e datës 14.01.2021 të Kryesuesit të Këshillit Prokurorial të Kosovës me numër KPK/Nr.20/2019; Kontratën e marrëdhënies së punës së ankuesit e datës 13.02.2019 së bashku me përshkrimin e detyrave dhe përgjegjësi të punës; Raportin e Komisionit Hetimor të datës 23.04.2021; Vendimin e datës 28.05.2021 për themelimin e komisionit disiplinor nga Kryesuesi i Këshillit Prokurorial të Kosovës; vendimin e datës 29.06.2021 me numër KPK/Nr.425/2021 të Kryesuesit të Këshillit Prokurorial të Kosovës; Raportin e Komisionit Disiplinor të datës 27.07.2021; E-mailin e datës 11.08.2021 dërguar nga _____ për _____ me korrespondencën e bashkangjitur të prokurorit _____ Vendimin e datës 18.02.2021 me Nr.Prot.DPSKPK/63/2021 të Drejtorit të Përgjithshëm të Sekretariatit të Këshillit Prokurorial të Kosovës; Vendimin e datës 18.02.2021 me Nr.Prot.DPSKPK/64/2021 të Drejtorit të Përgjithshëm të Sekretariatit të Këshillit Prokurorial të Kosovës; Vendimin e datës 24.02.2021 me Nr.Prot.DPSKPK/71/2021 të Drejtorit të Përgjithshëm të Sekretariatit të Këshillit Prokurorial të Kosovës; Vendimin e datës 24.02.2021 me Nr.Prot.DPSKPK/72/2021 të Drejtorit të Përgjithshëm të Sekretariatit të Këshillit Prokurorial të Kosovës; Kërkesën për Planin e Personelit Administrativ për vitin 2021 i datës 05.02.2021; Vendimin e datës 08.02.2021 me KPK/38/2021 të Kryesuesit të Këshillit Prokurorial të Kosovës; Formën tabelare të planit të personelit administrativ për vitin 2021 prej 6 faqesh; Vendimin e datës 08.03.2021 me KPK/138/2021 të

Kryesuesit të Këshillit Prokurorial të Kosovës; Shkresën për dërgimin e raportit të Komisionit ad-hoc të datës 05.07.2021; Ftesën për seancë të datës 02.07.2021; Raportin e zyrtares E-mailin e datës 07.07.2021 dërguar nga për dhe
; Kopjen e zarfit të datës 15.07.2021; Kopjen e zarfit të datës 02.07.2021; E-mailin e datës 16.07.2021 dërguar nga zyrtarë e Postës së Kosovës për
me korrespondencën prej 7 faqesh; E-mailin e datës 30.08.2021 dërguar nga Drejtori i Përgjithshëm i Thesarit të Kosovës për me korrespondencën e bashkangjitur prej 2 faqesh;
Formulari i të dhënave për listën e pagave për ankuesin e datës 25.08.2021; E-mailin e datës 25.08.2021 dërguar nga për Kopjen e librit të pranimit të shkresave nga Posta e Kosovës e datës 14.09.2021; emailin e datës 25.11.2021, Vendimin KPK/Nr.57/2021 të datës 02.03.2021, Aktakuzën PP/Lnr.13K/2021 të datës 03.08.2021; Përgjigjen në ankesë të datës 20.10.2021.

Kolegji për Shqyrtimin dhe Vendosjen e Ankesave pas shqyrtimit të të gjitha shkresave të lëndës të parashtruara nga palët, ka vërtetuar se ekziston baza ligjore që çështja në ankesë të kthehet në rishqyrtim dhe rivendosje në Këshillin Prokurorial të Kosovës, sepse:

Bazuar në shkresat e lëndës, gjegjësisht Vendimin KPK/Nr.20/2019 të datës 14.01.2019 dhe Kontratën me numër 01/2019 të datës 13.02.2019 është konstatuar se ankuesi mbanë pozitën e Drejtorit të Përgjithshëm të Sekretariatit të Këshillit Prokurorial të Kosovës.

Këshilli Prokurorial i Kosovës përmes Vendimit me numër 132/2021 të datës 25.02.2021, të ndryshuar dhe plotësuar me datë 26.03.2021, ka themeluar Komisionin ad hoc hetimor në përbërje prej tre anëtareve, me qëllim të vlerësimit të ligjshmërisë së vendimeve të nxjerra nga Drejtori i Përgjithshëm i Sekretariatit të Këshillit Prokurorial të Kosovës, lidhur me zbatimin e Planit të Personelit për vitin 2021, si dhe vendimeve tjera që Komisioni Hetimor i konsideron si relevante për hetim.

Përmes Vendimit me numër KPK/Nr.57/2021 të datës 02.03.2021 të Kryesuesit të Këshillit Prokurorial të Kosovës, ankuesi është pezulluar nga ushtrimi i detyrave zyrtare me pagesë 50% të pagës, për shkak se me datë 01.03.2021 me urdhër të Prokurorit të Prokurorisë Themelore në Prishtinë është bërë arrestimi i ankuesit dhe së ndaj të njëjtit Gjykata Themelore në Prishtinë-Departamenti për Krime të Rënda ka marrë Aktvendim PP.LNr.13k/21 të datës 10.02.2021, për fillimin e hetimeve me dyshimin se ankuesi në pozitën e Drejtorit të Përgjithshëm të Sekretariatit të KPK-së ka kryer vepër penale nga neni 422 dhe 414 të Kodit Penal të Kosovës.

Komisioni Hetimor, pas vendimit për pezullimin parandalues të ankuesit, ka zbatuar hetimet lidhur me ankuesin sipas autorizimeve të përcaktuara me Vendimin me numër 132/2021 të datës 25.02.2021, dhe me datë 23.04.2021 i njëjti komision ka dorëzuar raport me shkrim në KPK, me konstatimet se ankuesi në cilësi të Drejtorit të Përgjithshëm të Sekretariatit të KPK-së ka bërë shkelje si në vijim:

- Ka vënë në lajthitje KPK-ën lidhur me Planin e Personelit të vitit 2021, pasi që i njëjti nuk është dashur të miratohet nga KPK-ja pa u trajtuar nga Komisioni Parlamentar për Buxhet, Financa dhe Personel, i cili sipas Komisionit Hetimor nuk ka qenë i formuar por është dashur të pritet deri në themelimin e tij e pastaj të prezantohet për miratim në KPK;

- Prezantimi i Planit të Personelit për vitin 2021 i KPK-së, është bërë në kundërshtim me praktikën e krijuar pas vendimit të Gjykatës Kushtetuese, ashtu që këtij plani është dashur që ti bashkëngjiten edhe kërkesat që kanë të bëjnë me pozitat e reja, bazën ligjore që mundëson këtë, përshkrimin e detyrave dhe koeficientet e pagës si dhe shpalljet e konkurseve për pozitat aktuale si pjesë e Strukturës organizative të KPK-së;
- Drejtori i Përgjithshëm me rastin e nxjerrjes së Vendimit DPSKPK/63/2021 të datës 18.02.2021 për caktimin e U.d të Kordinatorit të Zyrës dhe Vendimit DPSKPK/64/2021 të datës 18.02.2021 për caktimin e U.d të Zyrtares së Lartë Ekzekutive në Zyrën e Kryesuesit të KPK-së, ka vepruar në kundërshtim me nenin 3 paragrafi 2, nenin 26 dhe nenin 30 paragrafi 4 të Ligjit Nr.03/L-149 për Shërbimin Civil, dhe se caktimi i tyre është bërë me automatizëm pa zhvillim të ndonjë procedure, si dhe pozita e Zyrtares së lartë ekzekutive në Zyrën e Kryesuesit të KPK-së nuk është e paraparë me Rregulloren e Sekretariatit të KPPK-së e as me Planin e Personelit të vitit 2021.
- Drejtori i Përgjithshëm i SKPPK-së edhe pse ka pas detyrim ligjor nuk ka bërë vlerësimin e performancës për vitin 2020 lidhur me zyrtarët që janë vartës të tij.
- Bazuar në Raportet e Auditorit të Brendshëm janë gjetur se Administrata e Sistemit Prokurorial nuk ka një akt lidhur me koeficientet e zyrtareve, ka mos përputhje-nivelizim të koeficiente për pozita të ndryshme si dhe nuk ka organogram të ri që do ishte në pajtim me Planin e Personelit të vitit 2021.
- Me rastin e kontratës "Furnizim me mobilje ekskluzive për kabinetin e Kryesuesit të KPK-së", sipas Auditorit të Brendshëm janë bërë shkelje serioze ligjore dhe procedurale dhe së për këtë shkelje është ngritur hetim penal nga Prokuroria Themelore në Prishtinë.
- Kontrata "Furnizim dhe monitorim i dyerve dykrahëshe me Access Controll në objektin e KPK-së" sipas auditorit të brendshëm është po ashtu me shkelje ligjore sepse ka vërejtje për çmime të larta dhe se nuk janë marrë për bazë çmimet e tregut apo çmimoreve së përgatitur nga KRPP-ja.

Këshilli Prokurorial i Kosovës, në mbledhjen e mbajtur me datë 28.05.2021, ka nxjerrë Vendimin KPK/353/2021 për themelimin e Komisionit Disiplinor, përgjegjës për zhvillimin e procedurës disiplinore dhe propozimin e masës disiplinore ndaj ankuesit në pozitë të Drejtorit të Përgjithshëm të Sekretariatit të KPK-së. Ky i fundit me Raportin e datës 27.07.2021, ka konstatuar se të gjeturat e Komisionit Hetimor sipas Raportit të datës 23.04.2021 janë evidente duke rekomanduar që ndaj ankuesit të shqiptohet masa disiplinore "Ndërprerje e Marrëdhënies së Punës".

Me tej, bazuar në provat e lëndës Kolegji ka gjetur se Këshilli Prokuroria i Kosovës në mbledhjen e datës 24.08.2021 ka miratuar Raportin e Komisionit Disiplinor të datës 27.07.2021 dhe me Vendimin me numër KPK/Nr.661/2021 të datës 24.08.2021 dhe numër protokollit 1301/2021 të datës 14.09.2021, ankuesit i është ndërprerë marrëdhënien e punës në pozitën e Drejtorit të Përgjithshëm të Sekretariatit të KPK-së, të cilin vendim ankuesi e ka pranuar me datë 30.09.2021.

Parashtruesi i ankesës pretendon se Vendimi me numër protokollit 1301/2021 i datës 14.09.2021 i KPK-së për ndërprerjen e marrëdhënies së punës bazohet në aplikim të gabuar të ligjit material, shkelje të dispozitave lidhur me procedurën administrative dhe vërtetimin e gabuar të gjendjes faktike.

Duke u bazuar në Aktgjykimin e Gjykatës Kushtetuese Nr.ref.AGJ 1583/20 në rastin Nr.KO203/19 të datës 09.07.2020 për vlerësimin e kushtetutshmërisë së Ligjit Nr.06/L-114 për Zyrtarët Publikë, Kolegji konstaton se deri në plotësimin dhe ndryshimin e Ligjit Nr. 06/L-114

për Zyrtarët Publikë, në raport me Këshillin Prokurorial të Kosovës, do të zbatohet Ligji Nr.03/L-149 për Shërbimin Civil të Republikës së Kosovës. Kolegji për Shqyrtimin e Ankesave, lidhur me aplikimin e dispozitave të Ligji për Shërbimin Civil të Republikës së Kosovës ju referuar edhe dispozitave të nenit 3 paragrafi 6 të Ligjit Nr.03/L-149 për Shërbimin Civil të Republikës së Kosovës ku përcaktohet se: *"Personeli administrativ i punësuar në sistemin gjyqësor dhe prokurorial është pjesë e Shërbimit Civil të Kosovës dhe i nënshtrohet këtij ligji dhe legjislacionit përkatës në fuqi, me përjashtim të gjyqtarëve dhe prokurorëve"*. Andaj, në kuptim të këtyre dispozitave ligjore si dhe bazuar në nenin 32 paragrafi 1 nën paragrafi 1.2 të Ligjit Nr.06/L-056 për Këshillin Prokurorial të Kosovës, u konstatua se Drejtori i Përgjithshëm i Sekretariatit të Këshillit Prokurorial të Kosovës është zyrtar kryesor administrativ dhe rrjedhimisht kjo pozitë hynë në kategorinë e pozitave të nivelit të lartë drejtues.

Në mungesë të legjislacionit të veçantë, lidhur me çështjet e disiplinës të personelit administrativ në Këshillin Prokurorial të Kosovës, Kolegji me rastin e trajtimit të ankesës iu referua nenit 25 të Rregullores Nr.06/2012 për Pozitat e Larta Drejtuese në Shërbimin Civil ku përcaktohet se: *Në procedurën për menaxhimin e pozitave të larta drejtuese në Shërbimin Civil të Republikës së Kosovës, përshtatshëm zbatohen dispozitat e përgjithshme për nëpunësit civil të përcaktuara me Ligjin për shërbimin civil dhe aktet nënligjore për zbatimin e këtij ligji"*.

Lidhur me shqyrtimin e pretendimeve ankimore të ankuesit, Kolegji ka analizuar vendimin e kontestuar dhe rrjedhimisht ka gjetur se arsyetimi i Vendimit me numër protokolli 1301/2021 i datës 14.09.2021 për ndërprerjen e marrëdhënies së punës të ankuesit është i mangët dhe i pamjaftueshmi pasi që i njëjti nuk përmban bazën ligjore të vendimit dhe arsyen pse është e zbatueshme në rastin konkret, respektivisht organi i punësimit me rastin e përcaktimit të përgjegjësisë disiplinore ndaj ankuesit ka përcaktuar se ankuesi ka bërë shkelje të rëndë të detyrave të punës, mirëpo në rastin konkret nuk është bërë kualifikimi i shkeljeve disiplinore në mënyrë specifike siç përcaktohet me dispozitat e nenit 66 paragrafi 2 Ligjit Nr.03/L-149 për Shërbimin Civil të Republikës së Kosovës, gjegjësisht nenin 4, 5 dhe 6 të Rregullores Nr.04/2011 për Procedurat Disiplinore në Shërbimin Civil të Kosovës, dhe si i tillë vendimi i kontestuar është në kundërshtim me nenin 48 paragrafi 1 nën paragrafi 1.4 të Ligjit Nr.05/L-031 për Procedurën e Përgjithshme Administrative. Kolegji, po ashtu ka gjetur se Vendimi me numër protokolli 1301/2021 i datës 14.09.2021 i KPK-së, nuk përmban pjesën përmblyllëse lidhur me ushtrimin e mjeteve juridike, si element i detyrueshëm i aktit administrativ, e mbi këtë bazë vendimi i ankimuar është në kundërshtim edhe me dispozitat e nenit 52 paragrafi 1 nën paragrafi 1.4 të Ligjit Nr. 05/L-031 për Procedurën e Përgjithshme Administrative.

Kolegji për Shqyrtimin e Ankesave, gjatë shqyrtimit të shkresave të lëndës, ka gjetur se kryesuesi i Komisionit Hetimor, _____ dhe anëtarët këtij komisioni, _____ dhe _____ në rastin konkret kanë vepruar edhe si anëtarë të Komisionit Disiplinor. Kolegji vlerëson se derisa anëtarët e lartcekur kanë vepruar si anëtar të Komisionit Hetimor, me c'rast kanë përgatitur raport me shkrim për KPK, mbi bazën e të cilit është iniciuar procedura disiplinore, dhe pjesëmarrja e tyre edhe në Komisionin Disiplinor me rastin e përcaktimit të përgjegjësisë disiplinore ndaj ankuesit, bie ndesh me dispozitat e nenit 29 paragrafi 1 nën paragrafi 1.3 dhe 1.10 të Ligji Nr. 05/L-031 për Procedurën e Përgjithshme Administrative.

Po ashtu, Kolegji ka gjetur se Komisioni Disiplinor ka shpallur përgjegjës ankuesin edhe për çështje e Kontratës së tenderit "Furnizim me moblije ekskluzive për kabinetin e Kryesuesit të

KPK-së", e për të cilën çështje sipas shkresave të lëndë është duke u zhvilluar procedurë penale sipas Aktakuzës PP/I.Nr.13K/2021 të datës 03.08.2021 të Prokurorisë Themelore në Prishtinë/Departamenti për Krime të Rënda. Në kuptim të dispozitave të Ligjit Nr.03/L-149 për Shërbimin Civil të Republikës së Kosovës, përkatësisht nenin 63 paragrafi 3 ku përcaktohet se : 3. Në rast të inicimit të procedurës penale kundër nëpunësit civil për kryerjen e veprës penale gjatë ushtrimit të mandatit të tij/saj administrativ, që mund të rezultojë në krijimin e kushteve për ngritjen e padisë kundër nëpunësit civil, të gjitha procedurat disiplinore lidhur me rastin nuk mund të iniciohen deri në marrjen e vendimit përfundimtar nga gjykata kompetente", Kolegji vlerëson se shkelja disiplinore si me lartë nuk mund të jetë objekt i shqyrtimit në procedurë disiplinore deri në një vendim përfundimtar të gjykatës.

Andaj, pas konstatimit të shkeljeve si me lartë, me qëllim të vendosjes së ligjshmërisë, duke u bazuar në neni 18 paragrafi 1 nën paragrafin 1.2 dhe 1.6 të Ligjit Nr.06/L-048 për Këshillin e Pavarur Mbiqëqyrës për Shërbimin Civil të Kosovës, Kolegji vendosi që të aprovoj si të bazuar ankesën A.nr.854/2021 të datës 07.10.2021, të parashtruar nga ankuesi, dhe të shfuqizoj Vendimin me numër protokollit 1301/2021 të datës 14.09.2021 të Këshillit Prokurorial të Kosovës, duke kthyer çështjen në rishqyrtim dhe rivendosje të organi i njëjtë. Këshilli Prokurorial i Kosovës në procedurë të rivendosjes, duhet t'i marr parasysh pikëpamjet juridike dhe t'i eliminoj të metat e konstatuara sipas këtij vendimi.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIQËQYRËS PËR SHËRBIMIN CIVIL TË KOSOVËS
Lënda me numër A nr.854/2021

Rushit Kajtazi
[Signature]
Procesmbajtës

Ardita Haxhnikaj-Demi
[Signature]
Kryetare e Kolegjit



Vendimi i dërgohet

- Ankuesit,
- Kryesuesit të Këshillit Prokurorial të Kosovës;
- U. d Drejtorit të Përgjithshëm të Sekretariatit të Këshillit Prokurorial të Kosovës ,
- Udhëheqësit të Personelit në Sekretariatit e Këshillit Prokurorial të Kosovës,
- Arkivit të KPMSHCK-së